

第八冊 家訓譜 家傳譜

粵東簡氏大同譜

全譜裝
十二冊

公元二〇〇四年九月

謹按原譜印制于廣州


粵東簡氏大同譜

廣州簡氏祖祠門聯

嶺表開宗成周世胄
范陽重望季漢家風

順德簡岸系

二十世孫朝亮題



▲今廣州市太和鎮金釵嶺之簡文會狀元墓，和廣州市盤福路市二十七中學內之簡氏祖祠，乃羊城瑰寶，均已成為廣州市重點保護文物，並分別銘立雲石標記。

● 廣州市文物保護單位

簡文會狀元墓
(包括簡氏祖祠)

廣州市人民政府
一九九三年八月九日公布
一九九四年十一月一日立

●簡公文會，號魁岡，南海黎涌人。南漢乾亨二年（公元 918年）狀元及第，累官至尚書右丞。公才華超群，性耿不阿，為官清廉，甚有政聲。南漢乾和年間，公冒死直諫暴君劉晟除暴政，觸怒中宗，被貶謫為禎州刺史。公被貶后，仍盡心民事，興利除弊，終積勞成疾，死于任上。

●簡氏祖祠之建立，乃繼廣州桂香街簡氏書院暨簡氏十房祠創建（公元 1704 年）之後，嶺南簡氏宗族崇德、愛禮、敬賢、重教之又一重大舉措，功德無量。祖祠崇祀簡氏始祖周王室使命大夫師甫公，遠祖季漢昭德將軍憲和公，南漢狀元尚書右丞文會公等先祖名賢；又以簡氏家族自治社之名義在祖祠創辦衆賢中學，培育英才，顯揚四方。

●《粵東簡氏大同譜》面世至今，已逾七秩，經歷世代變換、人事變遷，世道變幻及環境變易，現仍完好幸存者寥若晨星，有瀕臨失傳之勢。鑒于此況，衆宗親議印大同譜之意切切。種德如種樹，順德勒竹系旅港宗親鑒江先生慷慨捐資港幣五萬五千元，以助印譜；同宗燦標、揚威、振雄、普權諸昆仲熱誠操辦印譜事宜。僅以此，爲承傳吾宗歷史典籍、弘揚中華民族文化盡綿薄之力。捐資者與操辦者商定：以普權先生1994年復印之譜本爲稿本，委托廣州市天河思龍印刷廠制作PS版印制398套（綫裝，每套13卷，分裝12冊，每套印制費人民幣120元）。印舊如舊，分送粵東各地親房及有關圖書館和文史機構，個人有償取譜。至于印譜后之余款及個人取譜所交款，鑒江先生認捐予屏山簡公佛廟。

● 聯系地址：廣州市番禺區鐘村屏山二村 郵碼：511495

聯系人：簡應秋 電話：020-84777000

13502445749

簡揚威 電話：020-84771109

13794342322



排左起應峰、燦標、鑒江、應秋。
左起但仔、振雄、揚威、普權；後
同譜付印議決會之到會昆仲：前排
▲二零零四年九月二十六日，大

中華民國十七年
戊辰春三月發印

粵東簡氏大同譜卷八

家訓譜

書鴻範云皇極之敷言是彝是訓于帝其訓凡厥庶民極之敷言是訓是行以近天子之光曰天子作民父母以爲天下王蓋作民父母者在國訓民若是也彝者常也帝者天也常訓於天理白其訓則國民宜聽作民父母者之訓而行矣而民於父母慰所生宜何如聽家訓哉書無逸云相小民厥父母勤勞稼穡厥子乃不知稼穡之艱難乃逸乃諺旣誕否則侮厥父母曰昔之人無聞知言相視小民有斯誕妄焉其不聽訓者其情皆可見矣此周公無逸之書爲不聽訓者戒也書酒誥云我

民迪小子惟土物愛厥心臧聰聽祖考之彝訓越小大德小子惟一夫土物者稼穡也鴻範稱土爰稼穡其物也由是推之中邦土貨亦其物也今教迪小子惟土物愛而不他求其心臧善於小德大德皆慎之惟一也此武王酒誥之書爲聽訓者勸也後世所聞顏氏家訓著矣若楊文公家訓朱子小學稱焉吾粵明都御史龐公尙鵬家訓序云或曰有治人無治法子孫賢烏用是哉如其不肖雖耳提面命且柰何予應之曰家有賢子孫因吾言而益思樹立何嫌於費辭如其不賢卽吾成法具存父兄因而督責之使勉就約束猶可冀其改圖也若前無轍跡使索塗冥行其不至於法守蕩然幾希矣

今就其日用不可廢者授以繩尺非有甚高難行之事
正欲其易知易能故語多樸直使愚夫小子皆曉而無
疑也君子謂龐公爲能達矣其家訓在龐氏譜中今吾
宗家訓譜蓋例同夫譜者普也於家訓而世世普及焉
義也鄭樵通志家傳類列明氏家訓是家訓在家傳譜
中也今別爲家訓譜而先家傳者尊所聞也

謹按皇極者天子之中道也于於也於帝
其訓周康王所謂皇天用訓厥道也相讀
去聲視也諺鄙語也越於也夫語辭音扶
顏氏家訓北齊顏之推撰楊文公者宋楊
億也龐公尙鵬南海人南海霍公韜爲明

尚書亦撰家訓廣東新語云族長以朔望
讀祖訓於祠此古風也幾讀平聲

又按禮運曰協諸義而協則禮雖先王未
之有可以義起也今譜例亦然

鄉賢我南公垂訓

見新興系譜

昔者柳直卿述家訓以戒子孫曰予見名門右族其興也莫不
由祖先忠孝勤儉而興之其敗也莫不由子孫愚頑奢傲而敗
之興者之難如登天敗者之易如焚毛

謹按祖先者謂歷代之祖及先父母也與
先祖惟言歷代之祖者爲文不同今攷朱
子小學所引作祖先唐書本傳作祖考此

從祖先取常稱也

崔元暉家誠曰人之有子多於嬰孺之時愛忘其醜恣其所求恣其所爲無故叫號不知禁止而反罪乳母凌轢同輩不知戒約而反咎他人或言其不然則曰小未可責日漸月積養成其惡此父母曲愛之過也

謹按號讀平聲轢音瀝

漢疏廣辭官歸帝賜金甚厚日與親舊樂飲用金殆盡有勸其立產者廣曰吾豈老諄不念子孫哉顧自有舊田廬勤力足以供衣食今復益之賢而多財則損其志愚而多財則益其過且富者衆之怨也非所以安之也

謹按諄讀若惇惑也此條本漢書而約言

之

許魯齋曰兄弟一氣所生骨肉至切也今人不明理義悖逆天性生雖同胞情同吳越居雖同室視如路人以至計分毫之利而棄絕至恩信妻子之言而結成死怨豈知兄弟之義者哉

柳仲塗曰人家兄弟作不義者盡因娶婦入門異姓相聚爭長競短偏愛私藏以致悖戾由是分門割戶患如賊讐皆婦人所作男子剛腸者幾人鮮能不爲婦人言所惑故曰家之不和多因婦人以言激夫非識遠者則爲其所役而不覺於是有相殘者有不恤兄弟之貧棄父母而不顧葬親必欲均費寧停棺而不葬傷倫敗義爲禍不小詩云婦有長舌維厲之階亂匪降自天生自婦人可不省諸又曰家難由婦構其原多出於婢僕以

拾他人之短爲忠於主母稍一聽信必日造虛妄使主與人深仇而彼始揚揚得意其主母乃大快廝養之得人每每如是
我南公曰詩云妻子好合如鼓瑟琴兄弟既翕和樂且耽子
曰父母其順矣乎可見兄弟之翕必由妻子而父母之順亦
由妻子能正心齊家者孝弟之人也

謹按鮮上聲論語說諸之也難去聲廝析
薪者養炊烹者卽婢僕類也樂音落耽者
樂之甚也此引詩用中庸文

范益謙座右戒曰勿言他人閨葑中事勿求覓人物干索酒食
勿開拆寄附書信勿窺人私書勿擅翻人書籍字墨勿借人物
損壞不還勿見人富貴嘆羨或詆毀犯此數者足見用意之不

肖於以喪心招禍也席中不能遍識常宜自處卑下不可妄談人物及呼人姓名言人長短恐中有其親知必貽怒招禍李文正曰禍從口生防口甚於猛火火滅則已口滅而禍方焰也是以好盡言以招過武子見殺於齊因杯酒以罵坐人漢灌夫所以陷於武安

謹按葦音構謂閨門結密也招禍讀招如字招過讀招若翹其義與翹同舉也舉出人之過也見國語周語篇焰讀炎去聲

成山公曰小弁章云君子無易由言耳屬於垣賓之初筵章云匪言勿言匪由勿語后稷之廟有金人三緘其口而背銘之曰戒之哉無多言多言多敗口是何傷禍之門也

謹按弁音盤易去聲由言之由用也屬音
燭謂連近也垣牆也匪非也匪言非當言
也匪由之由從也

成山公曰爲先人營葬最所宜愼愼者上循天理下察地理也
古人卜地止求不屬水泉砂礫不設爲城池不壩爲道路此正
理也而風水興敗之說溺於郭璞形家者流借以漁利天星卦
例易以惑人誘以侵人祖墓葬村後龍甚至移廟毀像奪地爲
墳以致衆人痛恨挖冢棄骸鬼神切齒肆禍加殃原欲厚親釀
成不孝欲福子孫反招亡滅爲人子者不可不知地理卽不可
不信天理不可不信天理則不可輕信堪輿家言而行險僥倖

也

謹按葬者避風之致蟻避水之致溼此風

水所由名也

居喪之家每於七日延僧衆禮三寶打沙壇拜經懺此作佛事者所爲耳蓋冥府無情之地禍福隨人所造非若人世之託情行賄者生前罪惡早已登於鬼錄豈燒紙錢放焰口遂使閻王之法不行可免六道輪迴如募利僧之說乎若生前無過則銀臺金臺蓮臺幢幡寶蓋九品逍遙何須薦拔昔賢云天堂無則已有則君子登地獄無則已有則小人入所必然矣爲人子者其親無罪而以罪人待之是不仁也有罪而空請僧以解是不智也不仁不智豈孝子乎

謹按懺讀參去聲悔也昔有特識者聯語

云經懺可超生莫是閻王怕和尚紙錢能
解罪除非地獄有臧官蓋卽此垂訓意也
又按如其親有罪何以能解惟榦蠱則能
解焉易曰榦父之蠱意承考也榦母之蠱
得中道也榦父之蠱終无咎也榦父用譽
承以德也蓋蠱者事之壞也榦蠱者飭其
事而補救之也故易曰蠱者事也蠱則飭
也考者父已死之稱也如大禹之父曰伯
鯀治水無成爲天下四罪之一禹乃孝子
治水成功能補救之至於祀鯀配天非惟
无咎且用以名譽焉